

反枯悴 欽醉 猫狸 上莫交反一音雄傑
 輻福凝 反魚陵 魁許救 安零帝兒音牽挽晚下音
 堆阜上丁回反坑坎下苦填暗濡軟音漬在智
 爛反一旦摧自催澀色立凹凸 下於交反突高也
 滑辨八玩音鞞兄科反逼彼力獵良鞞

大薩遮尼乾子受記經卷第四 大四

元魏天竺三藏菩提留支第二譯

王論品第五之二

王言大師於何時中諸小工等行王論法答
 言大王於末世時轉輪聖王隱沒不現正法
 不行邪法競興衆生心惡起三種過一者樂
 於非法貪心二者起於顛倒貪心三者邪法
 羅網纏心彼諸小王自無智慧退失明解是
 故聖人說諸小王治國論法為行正法護世
 衆生王言大師云何名為樂於非法貪心答
 言大王於十不善惡業道中生於樂心是名
 樂於非法貪心云何名為顛倒貪心自己手

力得諸資生依時節得依正法得依如法得
 不生足心更求他財如是名為顛倒貪心王
 言大師云何名為邪法羅網之所纏心答言
 大王於諸外道非義論中起義論想於無益
 論生利益想於非法中生是法想於末世時
 非是智者所作論中以爲正論生於信心熏
 修邪見以爲福德是名邪法羅網纏心王言
 大師以何等法名爲王論令諸小王依彼論
 法治國理民是名如法能護衆生答言大王
 繼諸顛倒貪欲之心離諸顛倒瞋恚之心離
 諸顛倒愚癡之心依對治依實體依差別依
 利益依對治依實體者對所治法所謂名爲
 不貪善根不瞋善根不癡善根云何能起所
 治法能治法所治法者謂放逸心及無慈心
 知身無常資生無常善自觀身見諸過失能
 如實知如是遠離受用資生行法行王雖得
 自在不行非法如是名爲不放逸心大王當

知依王論法不應得物得不應取所應得非時不取若依時節應得之物於貧窮人不逼惱取至於險難賊難反逆難相害難如此難時當起慈心不避危害護諸衆生於貧窮者施與衣食於惡行者教以善法是名慈心大王當知依此二法是則名爲行法行王正護

衆生不放逸心大慈悲心王言大師行法行王有慈悲心云何而能治彼惡行諸衆生等答言大王行法行王若欲治彼惡行衆生先起慈心智慧觀察思惟五法然後當治何等爲五一者依實非不實二者依時非不時三者依義非無義四者依柔軟語非麤獷語五

大四

二

者依慈心非瞋心王言大師云何依實非不實答言大王如法詰問取其自言依實過治不依不實是名依實非不實王言大師云何依時非不時答言大王王有力時彼違王命應治其罪若王無力應止不治是名依時非不時王言大師云何依義非無義答言大王

答言大王智者知此非但訶責斷此罪過除却斷命不得割截手脚眼耳鼻舌依於大慈大悲之心聽繫閉牢獄枷鎖打縛種種訶責奪取資生驅擯他方爲令改悔非常惡心捨此衆生是名慈心非瞋心
王言大師行法行王云何如是苦他衆生繫閉打縛驅擯他方而復說言有慈悲心二法相違云何名爲行法行王
爾時大薩遮尼乾子告言大王如此之義我今爲汝說於譬喻大王當知譬如父母於惡行子爲念子故欲令改悔方便苦治除不斷命不壞諸根餘打罵等隨心苦治不名捨心

大四

三

當問前人何心起罪若從惡心應如法治若非惡心不應治罪是名依義非無義王言大師云何柔軟語非麤獷語答言大王知此衆生所犯王法但應訶責不合餘治應知其過正說不隱善說苦言如是訶責非不訶責是名軟語非麤獷語王言大師云何慈心非瞋心

不名惡心不名惱心以念子重爲令改悔更
不作故而彼父母不名非法名爲念子不夫
慈心大王當知行法行王治諸一切惡行衆
生亦復如是慈心重故爲令改悔除却斷命
不壞諸根生大慈心起大悲心繫閉打縛惡
口訶罵奪其資生驅擯他方爲令改悔捨惡
從善亦令其餘念惡衆生不作非法非常惡
心捨此衆生亦不故心爲惱衆生而行苦切
如是名爲行法行王以慈悲心行惡口等治
罪衆生不名非法不失慈心是故二行名雖
有反而不相違王言大師何等是惡行衆生
答言大王惡行衆生略說有五如是應知何
等爲五一者於王無利益衆生二者邊共作
無利益衆生三者起逆衆生四者邪行衆生
五者邪命衆生大王當知於王無利益衆生
有十一種何等十一者反逆衆生二者教
他反逆衆生三者與王毒藥衆生四者奪王
資生衆生五者破王所應作事衆生六者侵

奪王妻宮女衆生七者違王命衆生八者出
王密語衆生九者覬伺國土衆生十者罵五
衆生十一者毀訾王衆生如是等大王當知
是名於王無利益衆生大王當知遞共作無
利益衆生者有十種何等爲十一者邊共相
殺衆生二者遞相劫奪衆生三者遞相侵婬
衆生四者虛妄證他衆生五者虛妄誑他衆
生六者壞他親友衆生七者惡口罵他衆生
八者惡業斗秤欺誑損他衆生九者遞相毀
訾衆生十者遞相焚燒衆生大王當知如是
等名邊共作無利益衆生大王當知反逆衆
生者謂諸邊地城邑小王聚落主等不臣根
本大王教命如是名爲反逆衆生大王當知
邪行衆生者謂無戒衆生何等無戒所謂具
足諸惡律儀屠兒獵師畜養豬羊雞犬鷄鴨
貓狸鷙鷂釣射魚鼈造諸羅網火坑毒箭劫
奪蟲獸斷害他命自恣作惡如是名爲邪行
衆生大王當知邪命衆生者所謂出家剃除

鬚髮斷諸資生修無著行著諸種種異相衣服不護禁戒起種種見行諸異行種種方便求諸利養非法活命各各不能自法中住如是名爲邪命衆生

王言大師行法行王云何治彼五種衆生答言大王行法行王治彼罪人不斷其命不行

割截眼耳鼻舌手足身根有三種治法何等三法一者訶責以爲治罪二者奪其所有資生以爲治罪三者牢獄繫閉枷鎖打縛訶罵驅擯以爲治罪隨彼五種作惡衆生上中下罪三種法治是名行法行王治彼五種作惡衆生王言大師行法行王云何治彼於王作無利益衆生答言大王如是罪人除不斷命不壞諸根得繫閉牢獄枷鎖打縛奪其資生驅擯他處以爲治罪大王當知如是名爲行法行王治彼於王作無利益衆生之罪

王言大師行法行王云何治彼遷共作無利益衆生答言大王除不斷命不壞諸根得繫

閉牢獄枷鎖打縛不得全奪所有資生六分之中奪其一分驅擯他處大王當知如是名爲行法行王治彼遞共作無利益衆生之罪王言大師行法行王云何治彼起逆衆生答言大王行法行王先以善言如法開示若聞王命即捨遂心請罪王所者王放大恩恕其

大四

五

重罪依其國土王領之處不減不奪亦不驅出何以故爲令知王有三種事故何等三事一者有信二者有恩三者大力未降伏者爲令降伏已降伏者令不更作欲反逆者令不敢起大王當知彼有罪人得免其罪還復王位人民安隱彼如法王得福無量善名流布若彼罪人聞大王命不肯伏罪當加重治不得斷命不壞諸根盡奪資生國土人民驅擯他處何以故爲餘衆生不起逆故大王當知如是名爲行法行王治彼起逆衆生之罪

王言大師行法行王云何治彼邪行衆生答言大王如是惡人不得斷命不壞諸根不得

驅擯不得奪其資生之物唯訶責治罪而作是言若汝更作如是如是事者與汝重罪是名行法行王治彼邪行衆生之罪王言大師行法行王云何治彼邪命衆生答言大王應當隨順如法僧衆大王當知若彼比丘破戒邪見不依正法如實修行邪命自活者僧當和合喚令現前取其自言彼若自引所作是罪隨犯輕重當如法治若彼比丘拒違僧命不從師友善知識語惱亂衆僧不得修道者若彼國主是法王者僧當往語令王教勸順從僧命爾時行法行王先應喚彼破戒比丘善言勸喻令順僧命若其不從當集二衆現前對實若得其非助如法衆治彼比丘不得斷命不得割截一切諸根不得囚閉不得枷鎖不得撾打不得脫袈裟不得奪其資生之物得訶責得驅擯大王當知若有二衆朋黨諍訟依破戒依邪見依顛倒邪行依種種邪命起種種異諍種種異說種種異語行法行

王若自知法若自知義應當如法斷彼諍事若彼國王闇鈍無智不自知法不自知義不知正法不知邪法不知如法衆不知非法衆不知如法語不知非法語爾時彼王應問國內大德沙門知法知義有大智慧常行正法利益衆生善知斷諍能如法語者問其正法
六四
王當知如是名爲行法行王治彼邪命衆生之罪

六

王言大師若彼國王闇鈍無智國內多諸沙門婆羅門所行各異互相是非各各自言我是沙門修正道者能利衆生我是福田應受供者如是各各互相是非云何得知是真沙門非真沙門是正道是邪道是如法語非法語

大王當知有大沙門釋迦子出家爲道得神通證有大名稱如來應正遍知彼諸弟子比丘比丘尼於彼瞿曇法中住者是真沙門能

行正道利益衆生是福田者能知正法是如法語者大王當知除彼沙門瞿曇法外餘諸一切婆羅門等是名邪道非實沙門非法語者不應取語何以故大王當知彼無正法云何能得如法之語

王言大師若彼國王闇鈍無智不知主論不行正法自在作惡是國王罪誰應當治答言

大王彼王自身自罪自治王言大師云何自身而自治罪答言大王彼王當依二法自治何等二法一者依自力二者依他力依自力者彼王應當如是思惟我今所行爲是放逸爲非放逸爲有慈心爲無慈心爲是應作爲不應作爲是善業爲是惡業若知所作是不應作是惡業者即止不作生慚愧心悔過自責畏惡名稱畏墮惡道當依二法護惜自身何等二法一者放逸二者無慈悲心如是名爲依自智力自罪自治若王無智不能如是自思惟者應於國內處處推求有大智慧者

大四

七

善知王論常行正法能如實語諸沙門等王應自往彼沙門所若不自往當遣大臣王子貴人人所重者詣彼沙門宣王渴仰尊重之心將至王所若彼來者王應迎逆禮拜問訊盡恭敬心盡尊重心問沙門言何等善行何等惡行行何等法能有利益行何等法無有利益我心闇鈍無有智慧願爲我說時彼沙門應當爲王廣說過去行法行王所行之法諸王論法以柔軟語語彼王言如是如是應當奉行有大利益謂十善法不殺生等如是如是法不應行無有利益謂十惡法如殺生等如是如是等是行法行王所行之法王今不知應捨十惡等惡行法應行十善等善行法聞已受持如法改悔若能如是名依外力自罪自治王言大師行法行王云何護器世間答言大王行法行王不焚燒不破壞不澆灌是名護器世間行何以故一切皆是作不善業是故行法行王不應焚燒破壞澆灌城

邑聚落山林川澤園觀宮殿莊嚴樓閣一切行路及諸橋梁自然窟宅一切穀荳麻麥華果草木叢林不應焚燒不應破壞不應澆灌不應斫伐何以故以彼諸物皆共有命畜生等有無不用者而彼衆生無有罪過不應損其所受用物今生苦惱又彼一切外樹林等諸善淨天一切鬼神皆悉共有於中受用屋舍宮殿莊嚴樓觀諸天共住又彼園池屋舍宮殿莊嚴樓觀一切水陸有命諸蟲悉皆共用所謂雀鼠雞狗鳩鵠鸚鵡象馬牛羊貓狸蛇蝎鵝鴨魚鼈乃至一切微細諸蟲所共受用行法行王與諸衆生共依止此器世間活

大四

八

不應破壞如是名爲行法行王護器世間安樂衆生王言大師行法行王無量諸天侍從護王天力自在能護於人云何而言人能護天答言大王行法行王能與彼天正命淨食所謂爲說如來正教甘露法門禪定解脫十善道等令其得離諸惡道苦以是爲護除諸

大四

九

不善殺生鬼等何以故攝在惡命自活衆生分故是故行法行王即身能集無量功德資益現在未來復能集諸善果大王當知行法行王不應焚燒破壞除滅如來塔廟及諸沙門淨行人等房舍屋宅資生之物園觀樓閣樹林華果亦不應取亦不應伐除欲爲利佛法僧者王言大師行法行王所有臣佐宰官禁司不憂國計但求利己或從私忿以害公政或受貨賄以枉治道增長百姓遂相欺亂以強凌弱以貴輕賤以富欺貧以曲枉直富者獲伸貧者受屈詭佞宰政忠賢隱退或時在朝懼危自默或行求財貨用安已百姓貧苦不堪充濟眾苦思亂不聞王命斯由臣吏不行忠節欺上亂下冒受王祿如是之人攝在何等衆生數中上品治罪何以故大王當知劫奪衆生數中上品治罪何以故大王當知以其受王名官重祿捨公念私不存公政禍亂之生莫不由之此是國之最大惡賊王是

法王不得斷命是故攝在劫奪數中上品治罪王言大師行法行王國內若有不孝衆生不念父母生養之恩捨背父母與妻子居所有衣食病瘦湯藥念給妻子不與父母父母衰老出入無力曾不生憂親近扶侍於其妻子晝夜不離得一美味不敢自噉持與妻子或偷父母所有財寶私共妻子歡樂食噉父母善言不肯隨順妻子惡語信用無捨或爲妻子訶罵父母或共親族母女姊妹尊卑上下行於姪欲無慚愧心如是衆生攝在何等衆生數中答言大王如是惡人攝在劫奪衆生數中上品治罪何以故大王當知父母恩重至心孝養猶不能報何況棄捨逆教命是名世間最大賊王言大師行法行王國內有人放逸無慈於其妻子奴婢眷屬能行不忍非法驅使非時驅使不應作者強逼令作至於打罵無過能行衣食不充眠卧無所喫不及應走則嫌遲出言常罵如似然家如是

之人攝在何等衆生分中答言大王攝在邪行衆生分中中品治罪何以故大王當知居家資生奴婢共報有其半分自分衣食恣意著取奴婢之分護惜不與設令給與不依時節應多與少常令不足是名世間最大邪行王言大師行法行王國內有人於佛法僧作不利益焚燒破壞塔寺形像及諸經書惡言毀訾言造作者無有福利其供養者虛損現在無益未來或嫌塔寺及諸形像妨礙處所破壞除滅送置餘處或破沙門淨行人等房舍窟宅或取佛物法物僧物園林田宅象馬車牛驢駱駝奴婢僮僕衣服飲食金銀瑠璃碑碣碼碭一切珍寶或捉沙門策役驅使責其發調罷令還俗或時輕心弄諸沙門欲爲戲笑不備時供虛誑請喫不與飲食設與飲食不及時節與非法食或時輕賤毀訾罵詈惡言誹謗或以杖木土塊瓦石及自手拳打諸沙門或捉刀槊弓箭矛戟斫射傷害或

大四

十

推水中或推火中或推山澗坑陷之中或放象馬虎狼師子惡狗毒獸傷害其身如是惡人攝在何等衆生分中答言大王如是惡人攝在惡逆衆生分中上品治罪何以故以作根本極重罪故

王言大師何者根本罪答言大王有五種名

爲根本何等爲五一者破壞塔寺焚燒經像或取佛物法物僧物若教人作見作助喜是名第一根本重罪若謗聲聞辟支佛法及大乘法毀訾留難隱蔽覆藏是名第二根本重罪若有沙門信心出家剃除鬚髮身著染衣或有持戒或不持戒繫閉牢獄枷鎖打縛策役驅使責諸發調或脫袈裟逼令還俗或斷其命是名第三根本重罪於五逆中若作一業是名第四根本重罪謗無一切善惡業報長夜常行十不善業不畏後世自作教人堅住不捨是名第五根本重罪大王當知若犯如是根本重罪而不自悔決定燒滅一切善

根趣大地獄受無間苦大王當知以王國內行此不善極重業故梵行羅漢諸仙聖人出國而去諸天悲泣一切善鬼大力諸神不護其國大日相殺輔相爭競四方逆賊一時俱起天王不下龍王隱伏水旱不調風雨失時諸龍皆去泉流河池悉皆枯涸草木燋然五

大四

士

穀不熟人民飢餓劫賊縱橫遞相食噉白骨滿野疫癘疾病死云無數時諸人民不知自思所作是過而怨諸天訴諸鬼神是故行法行王爲救此苦行治罪法王言大師行法行王若無染心無惡心者何故不得慈心斷命割截諸根答言大王行法行王以無染心無惡心故不能得起如是心念斷衆生命割截諸根何以故彼法行王見彼衆生至於死時依自業過生瞋恨心死已命斷生惡道中惡心隨逐長夜不斷是故行法行王不行斷命不壞諸根何以故此事難故若斷其命割截諸根一作已後不可救故繫閉枷鎖打縛訶

罵等非求棄捨是故佛聽行法行王爲護衆生若斷其命割截諸根不名滿足護衆生者大王當知斷衆生命割截諸根最是世間大怖畏事故佛不聽行法行王作如是事王言大師行法行王國內人民所應輸王課調物者爲是王物爲是他物答言大王非王自物亦非他物何以故他自手力能作能得是故非王自己有物非他物者以王能護彼衆生故是故非是一向他物彼衆生等立如是法是故輸王王應得分非是他物王言大師行法行王若有人民應輸王物而不輸王彼民爲是偷盜王物爲非偷盜答言大王非偷王

師若貧窮人應輸王物以無物故強加鞭打而責其物爲是劫奪爲非劫奪答言大王有人邊是劫奪有人邊非劫奪有人邊非劫奪者彼人若是竊墮懈怠不勤家業非法邪姪擯蕩碁博如是等戲輸他財物致貧窮者如昇人邊行法行王鞭打徵責乃至他邊貨物

大四

十三

物彼民貪惜欺王不輸得無量罪何以故以應輸物不輸王故王言大師於王國內合輸物者而不肯輸然王即行鞭杖打責若取彼物爲是劫奪爲非劫奪答言大王非是劫奪何以故大王當知以王有力能護其難彼由王護得安自業應輸王物故非劫奪王言大

燒暴風疾兩飛沙雹石壞其家業或時住處不得安隱人民走散失沒家生或有蟲螟雀鼠鸚鵡噉噉傷五穀或時復值天旱不熟水潦不收如是等緣家業不立資生壞盡於此人邊應當默然不應徵責若取此物名爲劫奪何以故以不慈愍此貧窮人不名具足護衆

生故大王當知我爲此事說一譬喻智者於中以喻得解譬如有人欲以飲食供養沙門淨行人等備具種種一切美味其家忽然失火焚燒風吹水漂賊所劫奪飲食都盡或爲不淨惡物所汙不任食噉諸沙門等食時既至到施主家見其損失反助憂苦乞食來與

何心敢責施主飲食然彼施主不與飲食亦無有罪大王當知行法行王亦復如是王雖合得彼人不與不犯王法不合打責如是行

法行王在世治化民常願樂

大薩遮尼乾子受記經卷第四

大四

三

詰起反一驅擯上丘俱反胡洞上丘焰灰又丘皆音斗秤下又證反鷄鵠上於陵反剝音過打上陟鉢徒反鈍反繞纏上古堯反鷲鵠下余照反斫伐苦反粉芳枉反侵紓往鷁下古合反蝸正作蠐亦音賈臣吏值反冒受上莫報反驃郎和策役

上楚反

土塊對反拳巨負反

樂稍同

与

矛戰年下

大薩遮尼乾子受記經卷第五

大五

元魏天竺三藏菩提留支第二譯

王論品第五之三

王言大師如是不放逸行法行王成就幾法得名行法行王答言大王成就十法而得名爲行法行王何等爲十一者自性成就二者

一

餘

眷屬有禮三者智慧成就四者常勤精進五者尊重法六者猛利七者恩厚八者善解出間所行法九者能忍諸苦十者不取顛倒法大王當知自性成就王者有於二種功德成就一者王子大臣長者居士城邑聚落所有人民皆愛重王二者無謂一切疾病大王當

居逆或推下上反涸音鶴疫濟上子益反訴素鞭打上必綿反羸隨上以擗蒲上田瘡下音倒薄胡反基音其貸代

蟲螟經反水潦下莫漂下郎漂反標